



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1581 usque ad annum 1589

**Fleury, Claude**

**August. Vind. [u.a.], 1772**

**VD18 90118650**

§. 5. Gambaræ Cardinalis obitus.

---

[urn:nbn:de:hbz:466:1-67246](https://nbn-resolving.org/urn:nbn:de:hbz:466:1-67246)

Sæcul. XVI. nuntiabatur: postea vero currente hoc  
 A. C. 1587. anno Mense Januario Viennæ obiit, cu-  
 jus corpus inde translatum Jaurini in  
 Ecclesia Cathedrali sepultum est. Hic  
 Cardinalis ingenti Religionis Catholicæ  
 studio flagrabat, suaque eloquentia Ru-  
 dolphum Cæsarem eo inducebat, ut  
 Seminarium erigeret, quo Hungari  
 adolescentes Clerici pie educati ad op-  
 pugnandos hæreticorum errores aptio-  
 res fierent: insuper Hosium Warmien-  
 sem Episcopum suis rationibus permo-  
 verat, ut Cardinalitiam dignitatem ipsi  
 a Pio IV. oblatam acceptaret.

§. V.

*Gambaræ Cardinalis mors.*

Ciac. p. 939. Alter erat Joannes Franciscus Gam-  
 tom. 3. bara, natione Italus, Brunorii Vi-  
 Auby hist. rolæ, & Præelboni Comitis, ac Vir-  
 des Card. ginia Pallavicinæ, nobilissimæ scemi-  
 Ughel Ital. næ filius, necnon Nepos Huberti Gam-  
 Sacra. baræ Cardinalis, qui anno Christi mil-  
 lesimo quingentesimo quadagesimo no-  
 no decessit. Ceterum Joannes Fran-  
 ciscus natus erat Brixia die decima  
 septima Januarii Anno Salutis millesimo  
 quingentesimo trigesimo tertio, atque  
 a Patruo suo in Cremonensi Diœcesi  
 sancti Laurentii Abbatiam Ordinis S. Be-  
 nedicti sibi commendatam obtinuit, ac  
 Patavii, Perusæque legum studiis in-  
 cum



cumbens, juris utriusque Doctor, re-  
 rum gerendarum experientia præstan-  
 tissimus, atque in dicendo eloquentissi-  
 mus evasit: porro Patruo Cardinale vita  
 functo ex imperiali aula, quo se con-  
 tulerat, ut Carolum V. Imperatorem  
 debitæ submissionis causa inviseret, Ro-  
 mam concessit, ibique inter familiares  
 Julii Papæ III. adscriptus, ipsius  
 Cubicularius declaratus est: dein Præ-  
 positura Virolæ insignitus, ac Apo-  
 stolicæ Cameræ Clericus, Præsidens a  
 Pio IV., & nondum elapso anno Diaco-  
 nus primum, mox vero Presbyter Cardi-  
 nalis Mense Februario Anno Incarna-  
 tionis Dominicæ millesimo quingentesi-  
 mo sexagesimo primo renuntiabatur:  
 Mense autem Augusto circa annum Do-  
 mini millesimum quingentesimum sexa-  
 gesimum quintum undecimo Calendas  
 Septembris Camerini de Latere Lega-  
 tus ab eodem Pio declaratur, legatio-  
 nem tamen illam ob Pontificis mortem  
 non obivit: dein a Pio V. Successore ad  
 secreta consilia in arduis Pontificatus  
 curis maxime ad Religionem spectan-  
 tibus admissus non nisi fidei Orthodoxæ  
 incrementum respiciebat, ac pro ea  
 tuenda, atque amplianda nullos labo-  
 res diu, noctuque subterfugerat. Mor-  
 tuo demum Gualterio Episcopo Viter-  
 biensi, eidem Ecclesiæ Joannes Fran-  
 ciscus

Sæcul. XVI.  
 A. C. 1587.



Sæcul. XVI. A. C. 1587. ciscus in demortui locum anno millesimo quingentesimo sexagesimo sexto sufficitur, ubi avitam Ecclesiasticam disciplinam revocavit in Ecclesia Cathedrali, atque alia ea in urbe, sumptibus magna ex parte propriis, instauravit, Canonorumque redditus annuos auxit: insuper Archidiaconatus dignitatem cum quatuor Canonicis Diaconis, qui Episcopo inservirent, instituit, tandem vero Romæ obiit feria tertia die quinta Maji hoc anno post Christum natum millesimo quingentesimo octogesimo septimo, ætatis suæ quinquagesimo quarto, cujus corpus in templo Divæ Mariæ de populo depositum, postea autem ad Fratrum Prædicatorum ædes extra mœnia Viterbiensis Urbis positas deportatum fuit, ubi terræ mandabatur.

## §. VI.

*Guastavillani Cardinalis fatum.*

Ciac. p. 26.  
t. 4. & Aub.  
l. c. Ciccarell. in  
Sixt. V.

Tertius erat Philippus Guastavillanus, seu Vastavillanus Bononiensis, Angeli Michaelis Vastavillani, & Jacobæ Boncompagnæ, quæ erat Soror Gregorii XIII., Filius, anno salutis quadragesimo supra millesimum quingentesimum pridie Calendas Octobris natus, eumque Pius V. inter quadraginta regiminis Bononiensis viros cooptaverat; postea